

c. 801 David; in tantum, ut, ubi ille est, ibi etiam et Flaccus. Respondeat pro utrisque amborum ditissimus sapientiae'.

Et ut simpliciter dicam^a, quod mihi simpliciter deprecari necesse est: ne queso sancta mens domini mei irascatur tarditati meae, quod modo venire non valeam. Erit iterum, si Deo placuerit, tempore opportuno.

Nec meam reor devotionem vestrae excellentiae in aliquo loco plus prodesse posse, quam assiduis apud Sanctum Martinum orationibus; quatenus divina clementia, quae vos per singulos magistratus in altissimum saecularis potentiae evexit honorem, eo longaeva prosperitate uti concedat, atque ex huius sublimitatis^b dignitate ad apicem aeterni regni ascendere faciat^c. Quo misericordia¹ et iustitia, Deo^d miserante, vestram deducat beatitudinem.

Ps. 83, 8. Ille homo recte feliciter felix dici poterit, qui de hac praesenti felicitate ad aeternam merebitur pervenire felicitatem. Et implebitur in eo pulcherrima illius versiculi promissio: 'Ambulabunt^e sancti de virtute in virtutem, donec videatur^f Deus deorum^g in Sion'.

Alma dei Christi tribuat tibi regna potestas
Aurea cum sanctis, David, in arce poli.

241.

Alcvinus Gundradam, Adalhardi abbatis Corbeiensis sororem, laudat et confirmat. Petit, ut se Carolo imperatori purget, quod propter valetudinem ad eum non accesserit.

c. 801.

Cod. H fol. 85—86^a.

Edd. F 184, J 199. — Migne col. 360.

VENERANDE IN CHRISTO FILIAE EULALIAE² ALBINUS SALUTEM.

Marc. 3, 16. Saepe familiaritas nominis inmutationem solet facere; sicut ipse Dominus Simonem mutavit in Petrum, et filios Zebedei filios nominavit tonitruum. Quod et iam antiquis vel his novellis diebus probare poteris.

1. Cor. 7, 34. Tu vero, virgo clarissima et sponsa Deo dignissima, te ipsam in omni castitate custodi corporis et animae; quia iuxta apostolum virgo Dei debet^b esse corpore casta et anima. Esto ceteris in palatio virginibus totius bonitatis exemplar, ut ex tua discant sancta conversatione se ipsas custodire vel cadentes resurgere. Praeveniant^c in conversione faciem iudicis. Sint nobiles in moribus, sicut sunt nobiles ex parentibus. Non serviant carnali desiderio, sed Christi magisterio. Vivant coram hominibus honeste et coram Deo digne. Agant de praeteritis poenitentiam et caveant se de futuris; quia Eccli. 17, 20. scriptura dicit: 'Deus dat poenitentibus partem iustitiae'. Nota sunt Domino^d cuncta,

^a) dicam — mihi om. L. ^b) sublimitatis T. ^c) fecit T. ^d) a deo L. ^e) ambulant L. ^f) videbitur L. ^g) om. L.

241. ^a) Lemma: Ad Gundradam virginem cognomento Eulalam H. ^b) decet H. ^c) Praevenient H. ^d) duo H.

1) Cf. infra p. 403: Laetifica animos servorum tuorum per misericordiae tuae munus altissimum; superexaltet misericordia iudicium. 2) Gundradae (v. huius epistolae not. a), sorori Adalhardi abbatis Corbeiensis, de qua sic est in Paschasii Vita Adalhardi (ap. Mabillon Acta SS. Ord. Bened. saec. IV, 1, 321): Gundrada . . . virgo familiarior regi, nobilium nobilissima, quae inter venereos palatii ardores et iuvenum venustates, etiam inter mulcentia deliciarum et inter omnia libidinis blandimenta sola meruit — ut credimus — reportare pudicitiae palmam, et potuit — ut dicitur — carnis spurcicias illaeso calle transire. J.